

太微天帝君道经第五

“

太微天帝君道经第五

上清大洞真经卷之二

茅山上清三十八代宗师蒋宗瑛校勘

右白元尊神章

谨请右白元洞阳君郁灵标，字玄夷绝，常守兆右腋之下，肺之后户死炁之门，使右腋之下常有金光，引神明入六炁之宫，七祖父母，反胎帝一，身登玉房。

真思右白元洞阳君郁灵标真炁，金光之色，罩于顶上，默咒曰：

洞阳郁灵宝魂生，金光灿灿炁中精，招真固神令长生，拔出幽根基胎婴，骖晨御气升上清。



次思金光从兆泥丸中入，兆乃口吸神云，咽津三过，结作三神，一神状如秀士，红锦抱，玉束带，二神侍立，下入左乳，穿绛官，入右胜胱，却入左膀胱，上穿绛官，入右乳内，过肺之后户，顺时吐息。

诵玉经。

大洞玉经曰：

太微天帝君泥丸神，八浮风入云营，神宗理灵襟，龙山台名秀玉京，金房蔚明霞，九户欲孔朗高琼，黄庭涉北元，元父左回明元父字，朱精洞阳君名启明师白素君名，幽寥肾神登上清，四玄秉元禁，长保五帝城。

玉清大帝君祝曰：

洞阳郁灵标（神名），守体死户门，并出三尸积，受入九真源，解胞散滞血，百节生正神，七祖灭尸祸音祸，拔殒后叶患音环，黑炁炁来生胞神，斫断胞死根，上世受道德，后来获帝先，帝先是何人，翳（音矿）明七叶孙，乃祖入仙都，并坐精上门。


毕，乃口微祝曰：

天上内音，超滞天，横冥始。

地上外音，勃沙玄，无定力。

大洞白元尊神消魔玉符

诀曰：当朱书黄缯，佩之，存呼白元内讳名字，镇我右腋之下，令体映金光，神明安宁，六炁曜官，七祖反生。乃叩齿九通，咽液三过。



🕒版本号 #1
★由 上清持伟 创建于 16 九月 2022 06:15:21
✍由 上清持伟 更新于 16 九月 2022 06:22:29